

sit, in secundae Deitatis personae unitatem recepta. Christus ut Mediator, tanquam Θεανθρωπος, vel ἁνθρωποθεος, in unitate unius personae adorandus est. Catholica Ecclesia eos anathematisavit, qui carnem Christi, cum Dei caro sit, adorandam non esse; neque una eademque adoratione Christum una cum carne sua colendum contendunt. De idolat. tom. 2. pag. 886.

POLANUS.

Caro quae secundum sui naturam non est adorabilis, adoratur in incarnato Deo, non propter seipsam, sed propter unitum sibi. Secundum hypostasim, Dei Verbum. *Syntag. lib. 6. cap. 16.*

PAREUS.

Non negatur, Christo esse flectenda genua, tanquam constituto et ordinato iudici, quatenus est Mediator, et Homo. *ad Rom. 14. dub. 8. sub finem.*

BUCERUS.

Tantum abest, ut huic tanto honori obstet assumpta carnis humilitas, ut *Hoc ipso*, quod huc humilitatis se demisit, eo honore eum pater sit dignaturus, imo iam eum illi dederit. *in Joh. cap. 5. v. 23.*

MARTYR.

Christus Dominus, etiam secundum humanam naturam. *Confessione fidei, de persona Filii.*

ROLLOCUS.

Quaero ex te serio, an possis Deum honorare sine Filio (Christo scilicet Mediatore) et appello conscientiam tuam, an id dictet tibi? *in Joh. 5. 23.*

DANEUS.

Ut intelligatur quid sit, propriè non dirigi nostram adorationem in carnem Christi, addidi statim, accipiendum esse de carne per se, aut in sese considerata. *Sic ex propriis suis Verbis, a calumnia liberatur Daneus, apud Ursinum, def. adm. Neust. cap. 1.*

Anno 1631.

BIJLAGE E.

Authoritates pro eo, quod humana Christi natura cultu religioso adoranda non sit. ¹⁾

BEZA, ad Selnecorum. Resp. 3. pag. 274.

Videsne, Selnecere, evadere te non posse horrendae idololatriae crimen, si carnem illam in se ipsa quantumvis seorsim eam non consideris, nec extra λογον, omnipotentem et adorandam dicere perrexeris.

¹⁾ Dit stuk bevindt zich in de Collectie-Brieven Saeckma, N^o. 252.